



COV NTSEEG
tabtom npaj yuav
mus rau hauv lub
tuamtsev tshiab



PICNIC: Cov
hluas hu nkauj
ua ntej yuav
nojmov nqajjci

Page | 10

The Salvation News

Volume 5, Issue 19

News • Bible • Remembrances



www.salvationchurchofgod.org

October 2013

The Shortest Chapter

“Txhua haivneeg cia li qhuas tus TSWV! Ib tsoom neeg sawvdaws cia li qhuas tus TSWV! Tus TSWV txojkev hlab uas hlab peb uas loj kawg li, thiab nws txojkev uas ncajnrees nyob mus ib txhis li. Cia li qhuas tus TSWV!”

-Phau Ntawv Nkauj 17

HMONG SALVATION CHURCH OF GOD



Xf. Txhajzeb Koo, Xf. Vajtsheejzoo Lauj & Xf. Tswvneej Yaj: Hmong Salvation Church of God tabtom line up yuav nkauj mus rau hauv lub tuamtsev

INSIDE:

- **Roog Txhawbsiab 2014** Page | 2
- **Xibfwb Kev Txhawbzog** Page | 2
- **Pastor's Corner** Page | 3
- **Bible Trivia** Page | 3
- **Lus Txhawbzog** Page | 5
- **VanGospel** Page | 6
- **A Good Name** Page | 7
- **Honor Thy Parents** Page | 8
- **Travel: Israel 2015** Page | 9
- **Picnic** Page | 10
- **Remembrances** Page | 11

Note:

X = siv rau tomqab lolus hais ob lwm.

Txhua txhua = txhuax

Mob mob = mobx

Npaj npaj = npajx

Txhawj txhawj = txhawjx

TSA PAWGNTSEEG HMONG SALVATION CHURCH OF GOD

Nyob rau St. Paul, Minnesota. (Continue from last issue)

By Xf. Vajtsheejzoo Lauj

N nyob hauv lub hli Foobtxhab (July) tim 21, 2013, sijhawm thaum 1:00 teev tavs. Nyob sab nram togtsev hauv lub chaw nres tsheb ntawm lub tuamtsev First Church of Nazarene, 540 Wheelock Pky E., St. Paul, Minnesota 55106 tseb nres ntomnti. Tsoom pejxeem thiab tej tibneeg zejzog tuaj koom rau tegnum tsa Hmong Salvation Church of God. Ntawm lub qhovrooj sab nram qhov chaw nres tsheb muaj ib txoj hlua khi thaiv vim tsis tau pub tsoom pejxeem nkag mus rau sab hauv lub tuamtsev. Muaj ib co zais yasywj (balloon) xim dawb thiab xim xiav khi rau ntawm txoj hlua thaiv lub qhovrooj. Tsoom pejxeem tuaj nyob coob heev tseem tsis tau nkag

mus rau sab hauv lub tuamtsev vim tsis tau txog lub sijhawm.

Thaum 1:30 PM, txog caij qhib qhov rooj, Xibfwb Vajtsheejzoo Lauj, tus thawjneeg hauv SCG Main Office, Xibfwb Tswvneej Yaj, ib tus



Cov ntseeg hu nkauj qhuas Vajtsv hauv lub tuamtsev tshiab

SCG

Rooj Txhawbsiab 2014

Raws li cov thawjneeg (Boards and Staff) tuav num thawjcoj hauv SCG Main Office kev sablaj hauv lub hli Teestxhab (September) hnuv tim 7, 2013, sawvdaws tau pomzoo muab SCG Rooj Txhawbsiab npaj rov ua rau xyoo 2014. Muab teem ua rau hauv lub nroog ntxaib (St. Paul/Minneapolis) xeev Minnesota. Sijhawm yog thawjx lub limtiam ntawm lub hli Txoosxob (August), pib hnuv 31 ntawm lub hli Foojtxhab (July) mus xaus rau hnuv tim 3 (July 31– August 3, 2014).

Tsis yog Rooj Txhawbsiab xwb, SCG Main Office kev xaiv tsa tus thawjneeg thiab tus pab (president and vice president) lub sijhawm mus txog lawm. Txhua leej cov Acasn hauv pab xibfwb yog leejtwg npajsiab yuav tawm plaws los koj SCG tegnum mus rau tom hauvntej, thov yeejmeem npaj siab thiab pib xa ntawv campaign tawm lub sijhawm no mus. Txheej txheem xaiv tsa yog yuav xaiv tus thawjneeg, tus pab, thiab peb (3) tug Board of Directors. Tsoom pejxeem hauv cov pawgntseeg, nej yuavtsum pab txhawb, pab hais, kom nej tus xibfwb campaign ua tegnum thawjcoj rau hauv SCG Main Office, kom nws los koj sawvdaws mus rau theem neej tomntej. Ncontsoov tias, txhua yam num, sawvdaws twb npaj txhij lawm. Txijno mus tsuas yog cob thiab koj sawvdaws kawm, saib xyuas, txhib, thiab pab kom sawvdaws rausiab kawm thiab rausiab hloov neej kom phim qhov peb yog cov ntseeg. Thov sawvdaws yuavtsum nrog taj Tswv Yexus pab rau lub Rooj Txhawbsiab thiab kev xaiv tsa.

Xibfwb Kev Txhawbzog & Txhim Kho

Salvation Church of God, Inc., Main Office teem tsoom xibfwb hauv SCG kom txhuax leej tuaj mus sibntsib rau hauv lub nroog St. Paul, Minnesota. Xibfwb sibntsib li hais yog teem rau hauv lub hlis Emmas (October) tim 19-20, 2013.


Cov xibfwb kev sibntsib zaum no tseemx ceeb heev rau txhua leej xibfwb kawgnkaus thiab yeej tsis xav kom cov xibfwb plam lossis hais tias tuaj mus koom tsis tau. Txheej txheem ntawm tsoom xibfwb kev sibntsib thiab sibtham zaum no yog mus raws li nramqab no:

- Xibfwb, koj puas paub koj tegnum xibfwb zoo npaum licas?
- Coobx leej xibfwb tabsi sawvdaws koom ib tegnum xibfwb xwb.
- Xibfwb yuav rov txhawb, hlub, pab, zamtxim, thiab fwm xibfwb licas?
- Xibfwb yuavtsum khiav tawm ntawm xibfwb tus cwjpw m phem licas?
- Xibfwb yuavtsum qhia thiab tswj xibfwb tus niam licas?
- Xibfwb cov menyuum yuavtsum koj licas?
- Yam uas fajthwj tsis paub pab xibfwb yog abtsi?
- Yam uas pawgntseeg tsis fwm, pab, hlub, txhawb xibfwb yog tim abtsi?
- Xibfwb yuav koj cov ntseeg mus lawm twg?
- Qee yam num hauv SCG Main Office

Kuv, Xibfwb Vajtsheejzoo, sawvcev hauv SCG Main Office thov tsoom fajthwj thiab tsoom ntseeg hauv txhua pab pawg pab txhawb lossis koj kom tau nej tus xibfwb lossis cov xibfwb tuaj mus koom cov xibfwb kev sibntsib zaum no. Txaus hais tias, yuav muab nyiaj hauv pawntseeg, cov ntseeg ob peb yim, plaub tsib yim, ib pawg twg sibpab yuav kom tau pib ua khoomplig pub rau cov xibfwb kom nws mus koom tau kev kawm zaum no los yuavtsum tau ua. Ntseeg hais tias kev sibntsib zaum no yuav ua rau cov xibfwb tau kawm ntau yam thiab lawv yuav hloov ntau yam ntawm lawv tuskheej. Cov xibfwb uas tsis saib pawgntseeg, nws tsis muaj pejxeem, tsis muaj fajthwj pab nws los yog nws nrog pawgntseeg twg nyob thov cov pejxeem sawvdaws nrog pab txhawb pab mex nyiaj rau kom nws tuaj mus koom kom tau. Yog nws kawm tau, hloov tau nws tuskheej, koj tau nws tsevneeg zoo, lwm hnuv nws mus ua xibfwb rau ib pawgntseeg twg los nws yuav pab tau sawvdaws kom loj hlob. Yog koj pab txhawb tau cov xibfwb tuaj txhuax leej, Tswvntuj yuav foom koobhmoov zoo rau txhuax leej xibfwb, ces txhua leej pejxeem yuav tau txhais kev nojhaus zoo rau sab kev ntseeg. Yog tsoom xibfwb koj tau zoo twb vim tegnum koj pab ntag.



X.F. Tswu-Yeej T. Hanj



WHAT IF?

“Come, follow me,” “Nej cia li nrog kuv mus,” Jesus said, “and I will make you fishers of men.” “kuv yuav qhia kom nej paub mus nrhiav neeg.”
(Matthew 4:19; Mark 1:16-18).

Koj puas muaj lub zeemmuag xav mus coj tibneeg los ntseeg Vajtswv? Koj puas xav hais tias tegnum xibfwb yog ib tegnum uas koj yuavtsum tau ua xwb? Tejzaum Vajtswv twb xaiv koj lawm tiamsis vim koj tawvncauj tsis kam lees Nws tegnum xwb.


Lub sijhawm tseem tsis tau lig. Yog koj muaj pluajsiab xav kawm ua xibfwb (pastor), tubtxhib (disciple), tus tshajmoo zoo (evangelist) thiab ib tug coj nkauj qhuas Vajtswv (worship team), kuv caw koj hu tuaj rau peb SCG Main Office. Peb txaus siab yuav pab koj.

What if, Vajtswv twb xaiv koj ntev loo los lawm tiamsis vim koj tawvncauj xwb. What if, koj tos mus txog thaum koj lausx koj mam lees ua Vajtswv tegnum, thaum ntawv yuav lig rau koj. What if, koj muaj doubt naghmo, tiamsis hnuvno koj lees ua Vajtswv tegnum, koj coj tau neeg los ntseeg Vajtswv coob leej thiab muaj coob leej xav hnov koj qhia Vajtswv txojlus. Koj puas xav tias lub sijhawm no zoo rau koj los kawm ua ib tug xibfwb?

You're invited!



How Much Do You Know? (Twv Vajlugkub)



1. Raws li Vajlugkub Qub, tus tub hlob yog tus tau abtsi ntawm nws txiv tsevneeg? A. Tau ob npaug ntawm nws txiv tej cuabtam, B. Tau koobhmoov ntawm leejtxiv, C. Tau leejtxwv tej liajteb, D. Tau ib puas tsav yam hauv leejtxwv lub tsev
2. Xaxoos ua thawj saib cov neeg Yixalayeess tau pestsawg xyoo? A. 20 xyoo, B. 30 xyoo, C. 40 xyoo, D. 50 xyoo
3. Vajntxwv Daviv thawj tug pojniam hu licas? A. Mikhas, B. Anpinkayis, C. Kalais, D. Npasenpas
4. Thawj lub zos uas muaj cov Khristian (Christians) nyob hu licas? A. Ati-aukias (Antioch), B. Yeluxalees (Jerusalem), C. Npelehees (Bethlehem), D. Yelakaus (Jericho)
5. Vajtswv tshuab pa rau tibneeg kom muaj abtsi? A. Muaj txojhia, B. Muaj tus ntsujplig, C. Tau koobhmoov, D. Tau koobmeej
6. Raws li phau Vajlugkub Exekees, 3 tug tibneeg uas luag suav hais tias yog 3 tug tibneeg ncajnnees yog leejtwg? A. Anplas, Nau-as, Mauxes, B. Yauj, Nau-as, Daniyees, C. Daviv, Daniyees, Yauj, D. Yauj, Daniyees, Xalamoos
7. Yexus hais ib zaj pajlug txog tus tseb nplej. Tus tseb nplej yog pivtxog leejtwg? A. Tus ntseeg, B. Tus Tswv, C. Tus Ntsujplig Dawbhuv, D. Vajtswv lub tebchaws
8. Exethaws tus yeebncuab Hamas lub tsev muab rau leejtwg lawm? A. Muab muag, B. Muab rau cov neeg pluag, C. Muab rau Vajntxwv, D. Muab rau Exethaws
9. Leejtwg yog thawj tug neeg mus nyob qhov tsua? A. Anplahas, B. Lauj, C. Khayees, D. Xaxoos
10. Lub roob uas Mauxes pom tus nplaim taws cigx ntawm ib tsoobntoo hu licas? A. Mt. Sinai, B. Mt. Horeb, C. Mt. Morah, D. Mt. Olive



HMONG SCG | Continue From Page 1

thawjneeg sawvcev pab Board of Directors, thiab Xibfwb Txhajzeb Koo, tus xibfwb rau Hmong Salvation Church of God.



Xf. Txhajzeb, Xf. Vajtsheejzoo, thiab Xf. Tswvneej coj cov ntseeg nkag mus rau hauv lub tuamtsev qhib tshiab.

St. Paul, Minnesota • July 21, 2013

Xibfwb Txhajzeb sawv hauv nruabnrab thiab nws tuav rawv rab txiab. Xibfwb Vajtsheejzoo sawv ntawm Xibfwb Txhajzeb sab xis thiab Xibfwb Tswvneej sawv sab laug. Xibfwb Vajtsheejzoo pib hais lus tias, *“Hnub no yog ib hnub zoo heev, sijhawm no, yog lub caij peb yuav qhib pawgntseeg Hmong Salvation Church of God thiab yuav coj tsoom pejxeem mus rau sab hauv lub tuamtsev, yuav mus teev hawm tus Tswv. Xav kom cov pejxeem los txoos kom tag rau ntawm qhov rooj no. Cov fajthwj, xav kom nyob tomqab nrog saib tsoom pejxeem tsis pub ib tug twg plam lossis poob rau tomqab. Lub homphiaj ntawm fajthwj tegnum yog nrog saib tsoom pejxeem tsis txhob tso ib tug twg tseg rau tomqab. Xibfwb Txhajzeb yog tus tuaj tom hauvntej yuav coj Vajtsww cov menyuam mus rau hauv lub tuamtsev. Nws tegnum yog ntaus thawj hlo thiab coj txoj haukev.”*

Txua ntxiv ntawd, Xibfwb Vajtsheejzoo hais lus qhib qhovrooj rau pawgntseeg Hmong Salvation Church of God. Nws hais tias, *“Ntxiv ntawm no mus yog kev qhib pawgntseeg. Tswvntuj, Koj txojlus qhia tseg tias, yog muaj ob-peb leej nyob qhovtwg koom ua ibke, Koj yuav nyob hauv plawv. Koj txojlus tseem hais ntxiv tias, yog Petus qhib yam twg hauv ntiajteb no, Koj yuav qhib yam ntawd saum ntuj ceebtsheej. Hnubno, kuv Xibfwb Vajtsheejzoo nrog Xibfwb*

Tswvneej Yaj, thiab Xibfwb Txhajzeb Koo, nrog rau tsoom pejxeem sawvdaws, peb qhib pawgntseeg Hmong Salvation Church of God lub qhovrooj rau tsoom pejxeem los ntawm lub npe

Vajtsww Leejtxiv, Vajtsww Leejtub Tswv Yexus, thiab Vajtsww Leejntsuajplig Dawbhuv, thov Koj qhib saum ntujceebtsheej tibyam nkaus, Amen.”

“Hnub no yog ib hnub zoo heev, sijhawm no, yog lub caij peb yuav qhib pawgntseeg Hmong Salvation Church of God thiab yuav coj tsoom pejxeem mus rau sab hauv lub tuamtsev.”

- Rev. Vachinzong Lor
Superintendent of SCG

Sijhawm hais lus xaus kiag, lawv peb (3) leeg xibfwb koom tuav rabtxiab thiab thoojtxhij txiav txoj hlua uas khi cov zais yasywj, cov zais ya tawm rau nruabntug. Tsoom pejxeem sawvdaws zoo siab qw npuajteg nrovx heev. Tomqab ntawd, Xibfwb Txhajzeb ua-ntej, ob tug thawjneeg lawv nws qab thiab tsoom pejxeem sawvdaws lawv qab nkag mus rau sab hauv lub tuamtsev.

Nyob sab hauv lub tuamtsev, Xibfwb Txhajzeb yog tus coj txheej txheem. Muaj lus tshaj tawm, tos txais tsoom ntseeg thiab tsoom kwvtij neejtsa Hmoob uas tuaj koom kev tsa pawgntseeg. Dhau ntawd, nws caw cov ntseeg uas tuaj lwm qhov tuaj koom mus hu pajsuabseev tshwjxeeb. Muaj cov pawgntseeg xws li: Minneapolis SCG, Appleton SCG, New SCG (Green Bay) thiab Milwaukee SCG mus koom kev tsa pawgntseeg. Tseem muaj cov pawgntseeg uas tuaj lwm pab pawg tuaj mus nrog koom coob tsawv. Txhua pawgntseeg hauv SCG cov hluas, niamtsev, txivtsev puavleej npaj pajsuab mus hu txhawb rau kev tsa pawgntseeg zaum no. Xibfwb Txhajzeb pawntseeg,



Cov tub-ntxhais hluas hu nkauj tshwjxeeb qhuas Vajtsww. Txojkev zoo siab yog peb tuaj sibsau hu nkauj qhuas tus Tswv



Thawj hnub ib tsoom tub-ntxhais hluas hu nkaug qhuas tus Tswv thiab txhawb cov ntseeg lub zog hauv lub tuamtsev tshiab. Amen!

cov tub-ntxhais, niamtsev, thiab menyuam yaus los npaj pajsuab thiab lawv mus hu ntau txoj. Hais lus povthawj los ntawm cov niamtsev puavleej muaj txhawb rau kev tegnum tsa pawntseeg zaum no. Xibfwb Tswvneej Yaj, hais lus sawvcev cov Boards tos txais Xibfwb Txhajzeb thiab pawngntseeg los rau kev sibkoom ua Vajtswv num nyob rau hauv SCG thiab hais lus txhawb rau kev tsa pawngntseeg. Xibfwb Vajtsheejzoo hais lus qhia txog lub homphiaj hauv SCG rau pawngntseeg thiab muab kev tsosiab rau tsoom pejxeem hais txog lubneej nyob hauv SCG.

Xibfwb Txhajzeb Koo yog tus muab lus qhia pobx taub rau cov pejxeem rau thaum yuav xaus. Dhau plaws kev qhia Vajtswv txojlus, Xibfwb Vajtsheejzoo caw tagnrho tsoom pejxeem uas yog tswvtsev rau hauv pawntseeg Hmong Salvation Church of God mus

rau sab tim samthiaj. Nws caw Xibfwb Tswvneej Yaj, Xibfwb Bon Xyooj, thiab Xibfwb Nyiajleej Vaj, los sawv tim samthiaj nrog pab vim yuav muab cov pejxeem thiab pawngntseeg Hmong Salvation Church of God fij rau Vajtswv. Cov uas muaj npe zwm ua tswvtsev rau Xibfwb Txhajzeb Koo hnub ntawd muaj 15 tsev yimneeg.

Tomqab ntawd, Xibfwb Txhajzeb Koo coj tagnrho sawvdaws mus koom ib rooj mov noj ua kev zoo siab qhib lossis txais pawngntseeg Hmong Salvation Church of God. Zaub mov, cov ntseeg npaj tau ntau heev thiab lawv ua tau qab kawgnkaus. Sawvdaws noj haus tsau thiab tseem seem ntau heev.

Ntseeg tias, cov ntseeg uas nyob deb tsis tau koom nrog kev qhib tsa pawngntseeg Hmong Salvation Church of God los nyaj sawvdaws yuav nrog zoo siab. Vajtswv pab rau pawngntseeg Hmong Salvation Church of God ua rau lawv loj hlob zoo. Raws li paub hauv lub sijhawm 3 lub hlis dhau los, muaj ntau yim los koom nrog lawv. Lub sijhawm no kiag zoo li lawv twb muaj pejxeem coob yuav txog 20 tsev yimneeg lawm.

Thov Tswvntuj foom koobhmoov rau tegnum zoo uas cov pawngntseeg tuaj mus pab txhawb Hmong Salvation Church of God rau lub sijhawm qhib tsa pawngntseeg. Thov tus Tswv tsoomkwm thiab txhawb koom lawv tsuas muaj yeej mus li tsis kawg.

LUS TXHAWBZOG

By Elder Xishua Xiong, Board Member

Ua-tsaug rau peb ib tsoom xibfwb, tsoom thawjneeg thiab pejxeem txhua tus uas tau mus txhawb tsa pawngntseeg Hmong Salvation Church of God. Tshwjkeeb yog ua tsaug raug Xibfwb Txhajzeb Koo.

Lub npe pawngntseeg no zoo lawm thiab yeej tseeb vim lolus SALVATION CHURCH OF GOD txhais hais tias Hmoob raug ua dab qhev txij li thaum ncej

huabqag raug Vajtswv rhuav los txog niajhnub nimno, hnubno, Hmoob ib txhia thiaj dim tawm ntawm dab txhaistes los cuag tau Vajtswv qhov tseeb. Thaum pab neeg no dim los lawm, lawv thiaj tau los ntseeg Vajtswv ywjpheej raws li lawv txojkev ntshaw. Pawg neeg ntawd thiaj tis lub npe hu ua Pawngntseeg Vajtswv Cawmdim. Thov Vajtswv foom koobhmoov rau pawngntseeg Hmong Salvation Church of God kom lawv txoj haukeev tsuas muaj vammeej xwb. Tsis tag li, kuv zoo siab rau nej cov nyob sab qaumteb vim qhov nej tuaj koom siab tsa pawntseeg no tiav tau zoo. Dhau no mus cia Vajtswv mam coj peb txhua tus txoj haukeev lawm yavpemsuab. Amen!

GOD BLESS YOU ALL!!!

Milwaukee SCG VAN GOSPEL

By Vachinzong Lor

Vim cov uas nyob sibze. Ntau zaus lawv tawm mus rau cov pawgntseeg li hais, cov tsheb me yuav tau siv ntau lub thiaj yuav txaus rau txhuax leej hluas. Ntawv yog ib tegnum

Milwaukee Salvation Church of God coob zuzus. Lawv nyiam teem cov hluas hauv SCG uas nyob sab qaum-teb kom tuaj sibntsib thiab koom kev teevhawm nrog kev txhawb zog hauv txoj kev ntseeg. Lawv sib pauv kev mus los puagncig cov pawgntseeg

Cov nyiaj sawvdaws sibpab

1. Niamtsev/cov hluas fundraising	\$ 4,053.00
2. Niam Naim Xyooj.....	\$ 1,000.00
3. Vamtswb Tsab.....	\$ 500.00
4. Xibfwb Vajtsheezoo Lauj.....	\$ 300.00
5. Xibfwb Tswvyeej T. Hawj.....	\$ 266.00
6. Lis Pov Yaj.....	\$ 200.00
7. Ntxhais (Michelle) Yaj.....	\$ 200.00
8. Ntxoov Neeb Vaj.....	\$ 140.00
9. Tais Nplias Tsab.....	\$ 130.00
10. Maiv Xyooj.....	\$ 100.00
11. Vam Zeb Lauj.....	\$ 100.00
12. Muas Lis Hawj.....	\$ 100.00
13. N. Txwjzeb Xyooj.....	\$ 50.00
14. Kelly Lauj.....	\$ 50.00
15. Teeb Tsab.....	\$ 40.00
16. Npaujkub Lauj.....	\$ 20.00
17. Cimneejmom Lauj.....	\$ 20.00
18. Tais Yeev Xyooj.....	\$ 20.00
19. Tais Tshuas tsab.....	\$ 20.00
20. Txwjzeb Xyooj.....	\$ 5.00
TOTAL:	\$ 7,314.00

uas nyob sibze. Ntau zaus lawv tawm mus rau cov pawgntseeg li hais, cov tsheb me yuav tau siv ntau lub thiaj yuav txaus rau txhuax leej hluas. Ntawv yog ib tegnum



MILWAUKEE VAN: Lub VanGospel no yog yuav los thauj cov tub-ntxhais hluas thiab cov ntseeg mus tshaj Vajtswv Txojmoo Zoo.

uas pheej pab cov hluas kev mus los. Ntau zaus cov niamtxiv tsis khoom ces ua rau coob leej hluas plam rau kev mus sibntsib li hais.

Vim kev tuncua li hais, xibfwb thiab tsoom fajthwj nrog rau cov niamtsev thiaj tau tawm tswvyim npaj yuav kom tau ib lub tsheb van los siv rau tegnum pab cov hluas. Sawvdaws thiaj txhawb lub tswvyim li hais. Tegnum thiaj pib hauv lub xyoo 2011. Muab kev tshaj tawm kom cov hluas, niamtsev, txivtsev, thiab tsoom pejxeem txhua leej yuavtsum nrog pab. Txawm yog tus yuav pab khaws npib liab, mus ua zog, muab nyiaj tuaj pab, thiab koomtes rau kev nrhiav nyiaj los kom sawvdaws yuavtsum tau pab xwb li. Lub homphiaj yog yuavtsum nrhiav kom tau \$8,000.00 npaj los yuav lub tseb van li hais vim yuav siv rau tegnum cov hluas thiab siv rau pawgntseeg.

Tomqab ntawd, Cimeejmom, Youth President thiab cov hluas, lawv sibpab txhawb rau kev khaws kospoom, hlau, txhuas thiab lwm yam uas siv tau coj mus muag yuav nyiaj. Cov niamtsev muab siab rau thiab npaj nrhiav kev rau tegnum mus nrhiav nyiaj. Lawv sivzog rau tegnum fundraising: qhwv nqaj kabyaub coj mus muag rau tim lub khwv Sam's Club thiab tibneeg zejzog. Cov niamtsev uas nqistes yam tsis tuncua yog niam Ntxoov Neeb Vaj, niam Vamzeb Lauj, niam Thav Xyooj, niam Vamtswb Tsab, niam Xibfwb Vajtsheezoo thiab cov niamtsev xws li niam Lis Pov Yaj, niam Nkaj Pov Lauj, niam Txwjzeb Xyooj, Ntxhais Yaj, niam Neej Tshiab thiab coob leej cov uas nyobx lawv muaj

MILWAUKEE | MARYSVILLE

sijhawm khoom lawv kuj puav leej tuaj pab.

Xyoo 2013 hauv lub hli Aum (June), cov fajthwj hauv Milwaukee SCG thiaj muab pob nyiaj siv mus yuav lub tsheb van. Tus nqe ntawm lub van yog \$4,200.00. Dhau ntawd kuj muab cov nyiaj seem koj mus yuav tau 4 lub log tshiab los hloov cov log qub, hloov oil tshiab, yuav insurance rau lub tsheb, thiaj register tsheb npe rau tim DMV. Thawjx zaug ua siv lub van yog thauj cov hluas thiaj cov ntseeg mus koom kev tsa pawngntseeg Hmong Salvation Church of God nyob St. Paul, Minnesota.

Kuv, Xibfwb Vajtsheejzoo, zoo siab ua tsaug rau Vajtswv vim Nws txojkev hlub thiaj pab, Nws pab tegnum uas peb tau taj los ntev loo, tegnum ntawm lub van tiav rau mus rau qhov zoo kawgnkaus. Dhau li hais lawm, zoo siab ua tsaug rau cov fajthwj txhuax leej uas muaj siab majrawv thiaj nqistes loo tuaj pab thiaj

lawv niassiab hlo hais lus tuaj zogzis txhawb tias yuav-tsum sibpab yuav kom tau lub van los siv rau Vajtswv tegnum. Tshwjxeeb tshaj plaws yog ua tsaug rau cov niamtsev thiaj niam Naim Xyooj nrog rau Vamtswb Tsab. Nej yog cov pab qhov hnyav heev. Thov tus Tswv foom koobhmoov zoo rau nej txhuax leej kom tsuas muaj tau koobmeej zoo mus li. Ua tsaug rau cov hluas txhuax leej thiaj cov uas muaj feem nrog koomtes rau tegnum pab yuav lub van los siv rau tegnum ua rau Vajtswv.

To GOD Be
To GOD Be
The GLORY!

**"A good name is better than fine perfume.."
- Ecclesiastes 7:1**



A GOOD NAME
by Chu-Yin T. Her

Ib lub npe zoo thiaj nyiam hu tsis yoojyim nrhiav. Yuav kom nrhiav tau lub npe zoo, koj yuav tau nrhiav sijhawm los nyob ua tibzoo taj thov tus Tswv seb lub npe twg thiaj zoo thiaj thiaj povhwm rau tus neeg uas yuav los ris lub npe ntawd. Vim hais tias lub npe uas koj siv ntawd yuav povhwm rau koj lub neej thiaj koj tsevneeg mus tag ibtxhis. Yog li, tus uas muab ib lub npe rau koj, nws thiaj yuavtsum tau ua tibzoo nrhiav kom tau ib lub npe uas zoo kawgnkaus.

Thaum lub hlis Teestxhab (September) tag los peb tau mus koom Kub Yaj & Nancy Hawj nkawv ib roojmov

nyob rau pem Marysville, CA. Lub ntsiab ntawm roojmov no yog Kub Yaj & Nancy Hawj nkawv ib niam-txiv ua ib roojmov los thov niam thov txiv nrhiav ib lub npe tshiab rau nkawv. Xyoo tshiab no Kub & Nancy nkawv kuj tau ib tug metub tis npe hu ua Leviticus Tsimmeej Yang. Los ntawm txojkev zoo siab thiaj tau koobhmoov, nkawv thiaj txaus siab los npaj ib roojmov loj tsimnyog caw ib tsoom ntseeg thiaj kwvtij phoojywg tuaj koom nkawv roojmov.

Thaum tej txheej txheem teev dhau zuzus los txog rau npe daw npe tshiab, Ktl. Neejzoo nrog rau nws tus aivniam thiaj los muab lub npe koobhmoov rau vauv Kub thiaj Nancy nkawd. Ktl. Neejzoo thiaj tis lub npe koobhmoov hu ua TSWV PAB YAJ.



Ktl. Neejzoo & niam Neejzoo tabtom tis npe rau Kub Yaj thiaj Nancy Hawj

Congratulations to Tswv Pab Yaj and Nancy Hawj!

Honor thy father and thy mother -Exodus 20:12

Got Questions?


Honoring your father and mother is being respectful in word and action and having an inward attitude of esteem for their position. The Greek word for honor means “to revere, prize, and value.” Honor is giving respect not only for merit but also for rank. For example, some Americans may disagree with the President’s decisions, but they should still respect his position as leader of their country. Similarly, children of all ages should honor their parents, regardless of whether or not their parents “deserve” honor.

God exhorts us to honor father and mother. He values honoring parents enough to include it in the Ten Commandments (Exodus 20:12) and again in the New Testament: “Children, obey your parents in the Lord, for this is right. Honor your father and mother which is the first commandment with a promise, so that it may be well with you, and that you may live long on the earth” (Ephesians 6:1-3). Honoring parents is the only command in Scripture that promises long life as a reward. Those who honor their parents are blessed (Jeremiah 35:18-19). In contrast, those with a “depraved mind” and those who exhibit un-godliness in the last days are characterized by disobedience to parents (Romans 1:30; 2 Timothy 3:2). Solomon, the wisest man, urged children to respect their parents (Proverbs 1:8; 13:1; 30:17). Although we may no longer be directly under their authority, we cannot outgrow God’s command to honor our parents. Even Jesus, God the Son, submitted Himself to both His earthly parents (Luke 2:51) and His heavenly Father (Matthew 26:39).

Following Christ’s example, we should treat our parents the way we would reverentially approach our heavenly Father (Hebrews 12:9; Malachi 1:6). Obviously, we are commanded to honor our parents, but how? Honor them with both actions and attitudes (Mark 7:6). Honor their unspoken as well as spoken wishes. “A wise son heeds his father’s instruction, but a mocker does not listen to rebuke” (Proverbs 13:1). In Matthew 15:3-9, Jesus reminded the Pharisees of the command of God to honor their father and mother. They were obeying the letter of the law, but they had added their own traditions that essentially overruled it. While they honored their parents

in word, their actions proved their real motive. Honor is more than lip service. The word “honor” in this passage is a verb and, as such, demands a right action.

We should seek to honor our parents in much the same way that we strive to bring glory to God—in our thoughts, words, and actions. For a young child, obeying parents goes hand in hand with honoring them. That includes listening, heeding, and submitting to their authority. After children mature, the obedience that they learned as children will serve them well in honoring other authorities such as government, police, and employers. While we are required to honor parents, that doesn’t include imitating ungodly ones (Ezekiel 20:18-19). If a parent ever instructs a child to do something that clearly contradicts God’s commands, that child must obey God rather than his/her parents (Acts 5:29). Honor begets honor. God will not honor those who will not obey His command to honor their parents. If we desire to please God and be blessed, we should honor our parents. Honoring is not easy, is not always fun, and certainly is not possible in our own strength. But honor is a certain path to our purpose in life—glorifying God. “Children, obey your parents in everything, for this pleases the Lord” (Colossians 3:20).



Honor thy father and thy mother

TRAVEL | ISRAEL 2015

Third Issue: July 2013 - September 2013



The Walls of Jerusalem “Nehemiah’s Wall”.

Nehemiah Chapter 3.

Npaj Mus Saib Tebchaws: ISRAEL 2015

By Vachinzong Lor

Ob xyoo dhau los muaj coobx leej pejxeem hauv SCG twb npaj txhij xav mus ncig saib tebhaws sabntuj nraum ub. Tshwjxeeb yog xav mus saib lub tebhaws Israel uas Tswv Yexus los tshwmsim ua tibneeg. Sawvdaws tau npaj xav mus saib kiag thiab kawm txog tej keebkwm hais txog Tswv Yexus thiab taug Nws tus lw lub sijhawm Nws los ua tibneeg nyob ntiajteb. Dhau li sawvdaws tseem xav tias, yuavtsum tau mus pom thiab tau kawm txog Vajtswv haivneeg Israel lub keebkwm uas Vajtswv tau pab lawv thaum chiv los txog rau thaum Vajtswv tso Tswv Yexus los yug thiab tej keebkwm uas cov thwjtim ua num tomqab Tswv Yexus rov mus saumntuj lawm. Sijhawm tsis zoo tegnum npaj li hais saum no tsis tiav raws siab xav.

Cov lus tshaj tawm zaum no yog tshaj rau txhuax leej tibneeg uas xav mus pom lub tebhaws Israel thiab npajx siab xav paub tej yam uas nijahnub hnov hauv Vajtswv txojlus lawm tabsi qhovmuag tsis tau pom. Yog leejtwg txaus siab xav mus, xav pom, xav paub thiab xav kawm tej keebkwm li hais, tus ntawd yuavtsum tau npaj lub sijhawm no mus. Thov tus Tswv qhib koj txoj haukev yog yam uas koj yuavtsum xubx taj rau tus Tswv ua-ntej tshaj txhua yam huvsi. Qhov ntxiv mus yog ua zoo nrog koj tus hlub lossis neb ib niamtxiv zaum sibtham seb ob-leeg puas mus tau? Yog mus tau obleeg yimhuab

yuav zoo
vim tias, ob
leeg tau
pom, tau
kawm, tau
paub thiab
totaub ib
yam, ntseeg
los kom
txawj ntseeg
i b y a m .
Thaum mus
cuag tus
Tswv los
obleeg thiaj
tsis plam
Vajtswv lub



tebhaws. Yog ob-leeg yuav mus tsis tau los ua zoo sib hais seb neb ib niamtxiv, neb pomzoo cia tug twg ua tus mus. Txawm mus tsis tau ob leeg los ib tug mus yuav zoo dua li qhov uas ob leeg puav leej tsis tau mus thiab tsis pom hlo li.

Dua li hais lawm, yog yuavtsum mus npaj nyiaj txiaj vim nyiaj yog lub zog thiab yog txoj ncaujkev rau kev mus los lubneeg tiam tamsimno. Koj yuavtsum npaj nyiaj rau ib tug tibneeg twg kwvyees li \$3,500.00 thiaj yuav txaus rau kev mus los. \$2,500 - \$2,900 yog nqe davhlau, hotel, bus, puas tshais, thiab puas hmo. Pluas su thiab kev siv rau koj tuskheej kwvyees li \$300 - \$500. Sijhawm yog kwvyees nruabnraub lub hli So tim 25, 2015 (January) thiab hli Xyomhauj tim 10, 2015 (between January 25 - February 10).

Raws li tus lajtxheej uas tau samfwm tseg lawm, xav kom peb npaj kom tau ib pab coob txaus nkaus ib lub tseb Bus. Sawvdaws nrog sibpab yaum seb puas tau npaum li hais sub peb thiaj tsis tau koom nrog rau lwm pab pawg tibneeg uas tsis yog Hmoob. Thaum kawg yog tsis tau Hmoob puv ib lub no ces tau tsawg leej los cov ntawd mam koom nrog lwm pab mus nrog



B-B

**-QUE: Chicken • Beef
Pork • Hmong Sausages**



Ob tug txivtsev nrog rau niam Xf. Nyiajleej tseem kubsiab lug ci nqaij npaj rau cov ntseeg tau noj. Ntxim Qab Kawg!

Koom Picnic Ua-ke: *Milwaukee Appleton • Green Bay*

By Vachinzong Lor

Ua ntej lub hli Txoosxob (August) yuav dhau mus, Tubtxib Anthoni Kaub Hawj hu xovtooj rau Xibfwb Vajtsheejzoo thiab nkawv sibtham hais txog coj cov ntseeg tuaj koom noj mov hauv Picnic ua-ke ua ntej cov menyuam yaus yuav rov mus kawm txuj. Nws yog ib lub zoo tswvyim vim lub sijhawm li hais los yog zoo caij rau kev tajj tus Tswv tso mkwm sawvdaws tej menyuam ua ntej lawv yuav rov mus kawm txuj. Tubtxib Anthoni yog tus nrhiav chaw (park). Nws nrhiav tau lub chaw Ever Green Park nyob rau hauv lub nroog Sheboygan. Yog ib qho chaw nruabnrab rau cov pawgntseeg xws li Appleton SCG, New SCG Green Bay, thiab Milwaukee SCG.

Lub hli Teestxhab (September) hnuab tim 2, 2013 yog



**COV
HLUAS**
tantom hu
nkauj
**“Hnubno
zoo siab
yog peb
tuaj ua-ke.”**

caiv rau tsoom pejxeem hauv lub tebchaws vim yog Labor Day. Zoo sijhawm heev rau peb (3) pawgntseeg coj tagnrho cov pejxeem tuaj sib-sau ua-ke rau hauv lub chaw sibtsib picnic. Tubtxib Anthoni thiab tsoom fajthwj hauv pawntseeg New Salvation Church of God, Green Bay, lawv siv nyiaj hauv pawgntseeg tua ib tug npua coj mus ci rau sawvdaws noj. Kwvyees 8:00 sawvntxov xwb, lawv twb mus txog chaw thiab pib ci nqaij. Xibfwb Vajtsheejzoo thiab fajthwj Vamtswb Tsab coj povkws mus ci rau sawvdaws noj txom ncauj ua-ntej kev noj rooj mov. Cov txivtsev thiab niamtsev hauv txhua pawgntseeg sibpab nroos ci nqaij yam lomzem kawg li. Nco ntsoov tias ci nqaij yog ib yam zoo heev vim tias pheej ci pheej saj. Khaws tej qhov nyuam ntsiv qaij ua lo ntawm tej noj mas qab kawg li. Cov tibneeg ci nqaij koj yuav pom tias thaum koom rau

tsum mov loj uas yog sawvdaws los noj ua-ke, lawv tsis noj ntau ua luaj twg lawm vim lawv twb tsau rau thaum



lawv cix nqaij lawm. Ib txhia niamtsev sibpab nroos npaj txhua yam thiab ua zaub xamlav. Phua dib, tuav qaub, thiab npaj lwm yam teebkhoom kom txhij. Cov hluas sib pab nroos rau kev teeb chaw ntaus pob thiab npaj rau kev lomzem. Tej menyuam yaus sawvdaws dhia ua-si ywjsiab yam tso siab lug tsis nco nkees hlo li.

Thaum 11:20 AM, Xibfwb Vachinzong, Tubtxib Anthoni, thiab cov fajthwj npaj rau kev thov thiab tajj tus Tswv tso mkwm cov menyuam. Cov hluas npaj thiab coj cov hluas los nyob txoos ua-ke thiab caw cov fajthwj nrog koomtes pab thov Tswv Yexus tso mkwm cov menyuam yaus thiab cov hluas nrog rau txhuax leej uas tseem npaj rov mus kawm txuj hauv lub xyoo 2013 -14. Tomqab thov Vajtsv rau cov menyuam li hais dhau lawm, yog kev nojmov. Tubtxib Anthoni coj sawvdaws hu pajsuab-seev txhawb kom sawvdaws nquag plias rau kev tuaj sibtsib. Pajsuabseev, “*Hnub no zoo siab yog peb tuaj ua-ke.*” sawvdaws hu ob lwm

PLAUB LEEJ UA NTEJ MUS LAWM

By: Xf. Vachinzong Lor

Kev ua-neej rau hauv txoj kev ntseeg yog npaj tuskheej yuav mus kom txog lub chaw uas tus Tswv npaj tseg. Lub chaw tiagx uas tus Tswv Yexus hais tseg rau Nws cov thwjtim tias, *“Kuv txiv lub tsev muaj ntau chaw, Kuv tabtom mus tu chaw tseg rau nej mus nyob. Yog tsis muaj li hais, Kuv yuav tsis qhia nej.”* Yauhas 14:1. Txawm yog lub chaw uas tus Tswv Yexus hais tseem los tsis tau txog lossis Tswv Yexus tseem tsis tau los tos sawvdaws mus nyob los, lub ntiajteb no tsis yog peb lub chaw nyob. Sawvdaws yuav nyob tsis tau hauv lub ntiajteb mus ib txhis vim sawvdaws poob rau txojkev txhaum uas coj mus rau txojkev ploj tuag. Adas thiab Esvas nkawv ua txhaum ces peb noobneej thiaj poob rau kev tuag.

Txawm licas los thaum tsis muaj txojhia lawm ces tus tibneeg tiagx uas los ntawm Tswvntuj los yuav tau rovqab mus cuag tus Tswv. Cev nqaij yuav raug mus

PICNIC: Continue From Page 10

thiab hu tau yam lomzem kawg. Xibfwb Nyiajleej Vaj yog tus ua tsaug rau Vajtsv txojkev hlab thiab ua tsaug rau rooj mov uas sawvdaws npaj tau lawm yuav koom noj ua-ke. Tomqab ua tsaug rau tus Tswv xaus, abtsi tshwmsim ntxiv raws li koj paub? Raws li kuv paub yog sawvdaws mus nyob ua ob kab thiab npaj mus hais zaubmov nqa mus noj yam noj ntsiag twbto rau ntawm tej hauvpas ntoo, zaum saum rooj, zaum tomtej nyom. Sawvdaws tsis muaj sijhawm saib ub saib no hlo li. Tsuas yog saib ntsoov ntawm xubntiag thiab rau siab ntso rau lub phaj uas ncolug puvnkaus yog mov, nqaij, xamlav, kuatxob, dibliab, zaub hau xyaw nqaij thiab zaubtsuag. Ntawm sibsab lub phaj tseem yog ib poos dej dawb thiab muaj qeeleej tseem yog ib poos dej qabzib ntxiv. Sawvdaws nyob ntsiagto lawm ib pliag ntev loo mam nco tigsab, cov hlab ntim xosliam (khibnyiab) twb puv ntau lub. Tus twg los puavleej qhuas tias, “qab kawg.”

ua av thiab nyob tos hnuv tus Tswv rov los tsa nws cev nqaij li hais mam sawv rovqab los. Vim li hais, thaum tseem ua neej nyob thiaj yuavtsum rau siab ntso npaj tuskheej tuav txojkev ntseeg kom ruaj khov sub thaum tso ntiajteb tseg thiaj yuav mus txog tus Tswv.

Xyoo 2013 no SCG muaj plaub (4) leej pejxeem uas zwm ua pejxeem rau hauv pawgntseeg Fresno Salvation Church of God tau ncaim sawvdaws mus ua-ntej lawm. Thaum lawv tseem nyob los lawv tuskheej yeej niajhnub muab siab rau hauv txoj kev ntseeg thiab lawv yeej paub tseeb tias yog txog caij thaum twg ces lawv yeej yuavtsum tau mus. Txawm yog mus los tsuas yog ua sawvdaws ntej xwb.

Nyob hauv lub hli So (January) hnuv tim 30, 2013, Choo Tsab Xyooj, tau ncaim nws cov menyuam, nws tsevneeg, cov txheebze, thiab pawgntseeg mus lawm. Choo Tsab Xyooj tus tub Richard Song, cov menyuam, pawgntseeg Fresno SCG thiab cov txheebze muab nws lub cev coj los ua kevcai rau hauv lub Xyomhauj (February) tim 16-18, 2013. Xibfwb Bobby Lo, tsoom fajthwj, niamtsev, txivtsev, tub-ntxhais hluas, tsoom xibfwb, thiab tsoom ntseeg hauv SCG uas nyob ze, sawvdaws puavleej tuaj nrog koomtes lis Choo Tsab Xyooj lub npaijntw mus tau yam zoo heev.



CHOO TSAB XYOOJ



Txoov Vaj

Nyob hauv lub hli Aum (June) hnuv tim 2, 2013, Txoov Vaj tau ncaim nws tsevneeg mus lawm thiab. Nws tseem hluasx thiab yog ib leej tub zoo heev rau nws niam thiab nws txiv, cov kwvtij, cov muam, cov txheebze, cov ntseeg thiab cov phoojywg. Tsis tag li, nws tseem yog ib leej zoo pejxeem rau hauv pawgntseeg Fresno SCG. Txoov tseem yog ib leej hluas uas koomtes nrog pab tub-ntxhais hluas hauv Fresno SCG. Txoov Vaj tsevneeg thiab pawgntseeg muab nws lub cev los ua kevcai rau hnuv tim 15-17, 2013. Xibfwb Bobby Lo yog nws tus xibfwb coj nws

lub npaijntw.



Ntxhoo Muas

Lub hli Aum (June) tim 27, 2013, Ntxhoo Muas uas yog ib leej niam zoo rau nws pab menyuam txawm ciali ncaim nws tus ntxhais Suzanne Hawj thiab tus vauv Nomnplooj Vaj mus lawm. Pawgntseeg Fresno SCG muab nws lub cev los ua kevcai rau hauv lub hlis Foobtxhab (July) 13-15, 2013. Tseeb kawg li, ibtug zoo leej niam li Ntxhoo Muas ncaim nws pab menyuam thiab ncaim

pawgntseeg tsis yog ibyam yoojyim rau sawvdaws muab txoj kev hlub thiab kev nco tso thiab novqab. Xibfwb Bobby Lo, Xibfwb Chahar Vang, Xibfwb Leng W. Xiong thiab cov xibfwb hauv SCG uas nyob ze rau hauv Fresno nrog cov fajthwj thiab tsoom ntseeg sawvdaws puavleej tuaj pab li Ntxhoo Muas lub npaijntw tiav mus rau qhov zoo.

Lub hli Txoosxob (August) tim 19, 2013, Lug Xyooj uas yog ib leejniam zoo thiab yog ib leej zoo pejxeem hauv Fresno SCG twb sawvcev ncaim sawvdaws mus lawm thiab. Pawgntseeg muab nws lubcev los ua kevcai rau hauv hnuv tim 24-25, 2013. Xibfwb Bobby Lo, tsoom fajthwj, niamtsev, txivtsev, tub-ntxhais hluas thiab pawgntseeg Fresno SCG, sawvdaws sibpab noos



Lug Xyooj

lis Lug Xyooj lub npaijntw tiav hlo mus rau seem zoo nkauj heev. Lug Xyooj yog ib leejniam zoo thiab ntseeg Vajtsv heev uas los koom rau hauv Fresno SCG. Nws muab tagnrho tuskheej, lubneej, thiab txhuayam tso rau pawgntseeg.

Kev sibncaim lossis taug txojkev ua sawvdaws ntej mus li Choo Tsab Xyooj, Txoov Vaj, Ntxhoo Muas, thiab Lug Xyooj mus yog ibyam zoo heev rau nws tuskheej tabsis yog ib txojkev nyuaj heev rau tej menyuam lossis cov txheebze thiab cov tibneeg uas tseem nyob tomqab. Qhov tseeb yog lub sijhawm tseem ua-neej muaj ibyam uas sib khi thiab cog tobx puaghauv nruab siab nruab plawv. Yam ntawd yog kev sib hlub sib khi los ntawm kev ua niamtxiv tub, kev

txheebze, thiab phoojywg. Thaum lub sijhawm los txog, koj, kuv, lossis peb ces, txoj kev ncaim li hais ua rau mobx thiab tshua puas hauv nruabsiab tuaj. Tsis yog li hais xwb thaum tus ncaim ntawd, ncaim mus lawm ces yuav tsis rov pom nws hlo li. Txawm yog Tswvntuj txojlus yeej qhia meejx tias, nws tsuas yog mus ua-ntej thiab mus nyob ntawm tus Tswv lub tebchaws xwb los peb haj twb laj tos txog hnuv uas sawvdaws rov sibntsib.

Ua tsaug rau SCG txhuax pawgntseeg uas sawvdaws koom tau ib lub siab thiab muaj txoj kev hlub. Ib pawgntseeg tseem xa ib rev paj tuaj txhawb rau cov tibneeg uas tau ncaim li hais los saumno. Lawv cov npaijntw (ntees) muaj paj txhijploog zoo nkauj kawg los twb vim yog nej sawvdaws muab tuaj txhawb. Thov Tswvntuj foom koobhmoov zoo rau cov pawgntseeg. Tsis tag li, thov ua tsaug rau txhuax tsevyimneeg uas tau pab kev tshavntuj mus nrog daws cov tsevyimneeg pab mus txhaws lawv tej nujnqi.

Tegnum uas sawvdaws koomtes hauv tus lajtxheej Pla-haum Tshavntuj yog ib yam zoo heev. Tsimnyog txhuax yim yuavtsum koomtes txhawb tus plahaum li hais. Sawvdaws muab kev pab tuaj mus txhawb thiab koomtes li qhov uas sawvdaws tau pab rau Choo Tsab Xyooj, Txoov Vaj, Ntxhoo Muas thiab Lug Xyooj, lawv cov tsevyimneeg yog ib lub txiajntsim zoo kawg nkaus. Nws yog ib tug qauv zoo uas sawvdaws tabtom qhia kom cov hluas thiab tej menyuam tseem yau, kom lawv paub xyaum thiab khaws coj ua ntxiv mus rau tomntej. Tsis tag li, nco ntsoov tias, tsuas yog peb SCG xwb thiaj koomtes rau tegnum txhawb lub neej thaum muaj ib tug ncaim lossis nruamsim li hais. Thov Tswvntuj foom koobhmoov zoo rau sawvdaws.



Welcome
Back To
School




2013



ANSWER FROM PAGE 3:

1. A. Tau ob npaug ntawm nws txiv tej cubtam—2 Kevcai 21:17
2. A. 20 xyoo—Cov Thawjtswj 16:30-31
3. A. Mikhas—1 Xamuyees 18:20-21
4. A. Ati-aukias (Antioch) - Tes Haujlwm 11:26
5. A. Tau txojhia—Chivkeeb 2:7
6. B. Yauj, Nau-as, Daniyees—Exekees 14:14
7. D. Vajtswj lub tebchaws—Mathais 13:19-20
8. D. Muab rau Exethaws—Exethaws 8:1
9. B. Lauj—Chivkeeb 19:30
10. B. Mt. Horeb—Khiav Dim 3:1-2

News Report

Thov cawm ib tsoom xibfwb, txwjlaug, fajthwj, niamtsev, txivtsev thiab tub-ntxhais hlus
 ★ yog nej muaj xovxwm zoo xav muab tsotawm, thov muab email tuaj rau SCG Main Office. ★

News Letters are print out quarterly.

Visit SCG website: www.salvationchurchofgod.org
 Email: scg@salvationchurchofgod.org



SCG MAIN OFFICE

3710 W. Vliet Street
 Milwaukee, WI. 53208 • (414) 232-3844
 Email: scg@salvationchurchofgod.org